

善見毗婆沙律卷第一

伯一

蕭齊外國沙門僧伽跋陀羅譯

序品第一

南無諸佛

若人百億劫

不可思議時

為一切眾生

往至疲倦處

正為世間故

南無大慈悲

由法難知故

從生生世間

誓首頭頂禮

甚深微妙法

破裂壞消盡

無明煩惱網

若戒定智慧

解脫具足行

勤修功德者

眾僧良福田

我今一心歸

頭面誓首禮

歸命三寶竟

至演毗尼義

令正法久住

利益饒眾生

以此功德願

消除諸惡患

若樂持戒者

持戒離眾苦

說曰律本初說亦時佛在毗蘭若優波離為

說之首時集五百大比丘眾何以故如來初

成道於鹿野苑轉四諦法輪最後說法度須

跋陀羅所應作者已訖於俱尸那末羅王林

娑羅雙樹間二月十五日平旦時入無餘涅

槃七日後迦葉從葉波國來與五百比丘僧

往拘尸那國問訊世尊路逢一道士迦葉問

曰見我師不道士荅曰汝師瞿曇沙門命過

已經七日瞿曇涅槃諸人天供養我從彼得

此天曼陀羅華迦葉與大比丘聞佛已涅槃

婉轉啼哭悶絕擗地時有比丘名須跋陀羅

摩訶羅言止何足啼哭大沙門在時是淨

是不淨是應作是不應作今適我等意欲作

而作不作而止時迦葉默然而憶此語便自

思惟惡法未興宜集法藏若正法住世利益

眾生迦葉復念佛在世時語阿難我涅槃後

所說法戒即汝大師是故我今當演此法迦

葉惟念如來在世時以袈裟納衣施我又念

往昔佛語比丘我入第一禪定迦葉亦入定

如來如是讚歎我聖利滿足與佛無異此是

如來威德加我譬如大王脫身上鎧施與其

子使護其種姓如來當知我滅度後迦葉當

護正法是故如來施衣與我迦葉即集比丘

僧語諸比丘我於一時間須跋陀羅摩訶羅言大沙門在時是淨是不淨是應作是不應作今適我等意欲作而作不作而止諸長老我等輩宜出法藏及毗尼藏諸比丘白大德迦葉大德當選擇諸比丘大德迦葉佛法九關一切悉通一切學人須陀恒斯陀舍愛盡

伯一

二

比丘非一百亦非一千通知三藏者得至四辯有大神力得三達智佛所讚歎又愛盡比丘五百少一是大德摩訶迦葉所以選擇五百而少一者為長老阿難故若無阿難無人出法阿難所以不得入者正在學地大德迦葉為欲斷諸誹謗故不取阿難諸比丘言阿

難雖在學地而親從佛前受修多羅祇夜於法有恩復是耆老釋迦種族如來親叔之子又無偏黨三毒大德迦葉應取阿難足五百數此是眾聖意也諸大德比丘作是思惟在何處集法藏惟王舍城眾事具足我等宜往王舍城中安居三月出毗尼藏莫令餘比丘

在此安居所所以者何恐餘比丘不順從故是以遣出於是大德迦葉白二羯磨於僧耆品中廣明於是從如來涅槃後七日大會復七日中供養舍利過半月已餘夏一月半在迦葉已知安居已近迦葉語諸長老我等去時已至往王舍城大德迦葉將二百五十比丘

伯一

三

逐一路去大德阿菟樓駄將二百五十比丘復逐一路去賢者阿難取如來袈裟比丘僧圍遶往舍衛國至如來故住處舍衛城人見阿難已懊惱悲泣問阿難言如來今在何所而獨來耶諸人號哭猶如如來初涅槃時賢者阿難以無常法教化諸人既教化已入祇樹園即開佛房取佛牀座出外拂拭入房掃灑掃灑已取房中故供養華出外棄之還取牀座復安如本賢者阿難種種供養如佛在時無異於是阿難從佛涅槃後坐倚既久四大沉重欲自療治一日已至三日中服乳取利而於寺坐時有修婆那婆羅門來請阿難

阿難答曰今日服藥不得應命明日當赴至日將一長老比丘到修婆那家修婆那即問修多羅義是故阿含第十品中名修婆那修多羅經於是阿難於祇樹園中種種修護已欲入安居向王舍城大德迦葉與阿菟樓駄一切比丘衆至王舍城余時見十八大寺一時頽毀如來滅後諸比丘衣笕諸物縱橫棄散而去是故狼藉五百大德比丘順佛教故修護房舍若不修護外道當作此言瞿曇沙門在卅時修治房舍既涅槃後棄捨而去爲息此譏嫌故宜應撩理迦葉言佛在卅時讚歎安居先事修護房舍作計校已往至阿闍

就王復言曰我今當轉王威法輪諸大德當演無上法輪王白衆僧我今正聽諸大德使令衆僧答曰先立講堂王問何處起載答曰可於先底槃那波羅山邊禪室門邊造此中閑靜王答甚善於是阿闍卅王威力猶如第一二切利天毗舍伎巧須臾之頃即立成辦棟樑椽柱障壁階道皆悉刻鏤種種異妙於講堂上以珍玩妙寶而莊嚴之懸衆雜華繽紛羅列地下亦復如是種種殊妙猶如梵天宮殿無異毘能茵蓐薦席五百敷置牀上悉北向坐又高座以衆寶莊飾選高座中置精妙者擬以說法高座東向衆僧語阿難曰明日

伯

四

集衆出毗尼藏汝猶須陀洹道云何得入汝勿懈怠於是阿難自思惟明日衆聖集法我云何以初學地入中阿難從初夜觀身已過中夜未有所得阿難思惟卅尊往昔有如是言汝已修功德若入禪定速得羅漢佛言無虛當由我心精勤太過今當籌量取其中道

於是阿難從經行處下至洗脚處洗脚已入房却坐牀上欲少時消息倚身欲卧脚已離地頭未至枕於此中間便得羅漢若有人問於佛法中離行住坐卧而得道者阿難是也於是大德迦葉至中月二日六明十中食已竟料理衣盥集入法堂賢者阿難欲現證所

得令大眾知不隨眾僧入已次第而坐留阿難坐處下座眾僧從上和南次及空處而問留此處擬誰答曰擬阿難又問阿難今在何處阿難知眾心故現神足故於此處沒當坐處踊出現身於是眾僧坐竟大德迦葉語諸長老為初說法藏毗尼藏耶諸比丘

答曰大德毗尼藏者是佛法壽毗尼藏住佛法亦住是故我等先出毗尼藏誰為法師長老優波離眾有問曰阿難不得為法師耶答曰不得為法師何以故佛在世時常所讚歎我輩間弟子中持律第一優波離也眾曰今正應問優波離出毗尼藏於是摩訶迦葉作

伯

五

白羯磨問優波離長老僧聽若僧時到僧忍聽我問優波離毗尼法中白如是優波離作白羯磨大德僧聽若僧時到僧忍聽我今答大德迦葉毗尼法白如是如是優波離白羯磨已整身衣服向大德比丘頭面作禮作禮已上高座而坐取象牙裝扇迦葉還坐已問

優波離長老第一波羅夷何處說因誰起耶答曰毗舍離結因迦蘭陀子須提那起問曰犯何罪也答曰犯不淨罪迦葉問優波離罪因緣人身結戒隨結戒有罪亦問無罪亦問如第一波羅夷如是第二第三第四因緣本起大迦葉悉問優波離隨問盡答是故名四波羅夷品復次問僧伽婆尸沙復次問二不定次問三十尼薩耆波夜提次問九十二波夜提次問四波羅提提舍尼次問七十五眾學次問七滅諍法如是大波羅提木叉作已次問比丘尼八波羅夷名波羅夷品復次問十七僧伽婆尸沙次問三十尼薩耆波夜提

次問六十六波夜提次問八波羅提提舍尼
 次問七十五眾學次問七滅諍法如是已作
 比丘尼波羅提木叉竟次問蹇陀漢言次問
 波利婆羅漢言三禰四羯磨也如是律藏作已大德迦
 葉一切問優波離優波離答已是故名爲五
 百羅漢集律藏竟於是長老優波離放扇從

高座下向諸大德比丘作禮作禮已還復本
 座摩訶迦葉言毗尼集竟問法藏誰爲法師
 應出法藏諸比丘言長老阿難於是大德迦
 葉作白羯磨長老僧聽若僧時到僧忍聽我
 問長老阿難法藏白如是阿難復作白羯磨
 大德僧聽若僧時到僧忍聽我今答大德迦

葉法藏白如是於是阿難從座起偏袒右肩
 禮大德僧已即登高座登高座已手捉象牙
 裝扇大德迦葉問阿難法藏中梵網經何處
 說耶阿難答曰王舍城那蘭馱二國中間三
 菴羅絺屋中說因誰而起因修悲夜波利婆
 闍迦婆羅門捷多因二人起大德迦葉問阿

伯一

六

難梵網經因緣本起次問沙門果經何處說
 耶阿難答曰於王舍城耆婆林中說爲誰說
 耶爲阿闍世王梵棄子等如是沙門果經因
 緣本起以是方便問五部經何謂爲五部答
 曰長阿含經中阿含經僧述多經鶻崛多羅
 經屈陀迦經問曰何謂屈陀迦經答曰除四

阿含餘者一切佛法悉名屈陀迦經四阿含
 中一切雜經阿難所出惟除律藏佛語一味
 分別有二用初中後說其味有三三藏亦復
 如是戒定慧藏若是部黨五部經也若一二
 分別有九部經如是聚集有八万法藏問曰
 何以名爲一味世尊得阿耨多羅三藐三菩

提乃至涅槃時於一中間四十五年爲天龍
 夜叉捷闍婆阿修羅迦樓羅緊那羅摩睺羅
 伽人非人等是爲一味若一解脫性復爲一
 味何謂爲二法藏毗尼藏何以初中後說佛
 初中後說是謂爲三而說偈言

流轉非一生 走去無馱患 正覓屋住處

更生辛苦 今已見汝屋 不復更作屋

一切脊肋骨 碎折不復生 心已離煩惱

受盡至涅槃

復有法師解優陀那偈此是如來初說月生

三日中得一切智慧踊躍觀看因緣說是偈言

時法生成就 蹇陀迦中說

但

七

如來臨涅槃時勅諸比丘汝於我法中慎莫

懈怠此是最後說於兩中間是名中說問曰

何謂三藏答曰毗尼藏修多羅藏阿毗曇藏

是名三藏問曰何謂毗尼藏二波羅提木叉

二十三蹇陀波利婆羅是名毗尼藏問曰何

謂修多羅藏答曰梵網經為初四十四修多

羅悉入長阿含初根牟羅波利耶二百五十

二修多羅悉入中阿含烏伽多羅阿婆陀那

為初七千七百六十二修多羅悉入僧述多

折多波利耶陀那修多羅為初九千五百五

十七修多羅悉入鶖崛多羅法句喻偈陀那

伊諦佛多伽尼波多毗摩那卑多涕羅涕利

伽陀本生尼涕婆波致參毗陀佛種姓經若

用藏者破作十四分悉入屈陀迦此是名修

多羅藏問曰何謂阿毗曇藏答曰法僧伽毗

崩伽陀兜迦他耶摩迦益又遍伽羅坩那坻

迦他跋偷此是阿毗曇藏問曰何謂毗尼義

耶說偈答曰

將好非一種 調伏身口業 知毗尼義者

說是毗尼義

問曰何謂種種五篇波羅提木叉波羅夷為

初五篇七聚罪是謂為種種戒母將成堅行

寬方便隨結從身口不善作此是將身口業

是故名毗尼耶問曰何謂修多羅以偈答曰

種種義開發 善語如秀出 經緯與涌泉

繩墨線貫穿 是謂修多羅 甚深微妙義

問曰何謂發義答曰自發義能發他義問曰

何謂善語答曰先觀人心然後善語問曰何

謂秀出答曰譬如禾稻秀出結實問曰何謂

經緯答曰以線織成問曰何謂涌泉答曰如

泉取者衆多而無窮盡問曰何謂繩墨答曰如直繩能去曲木問曰何謂爲線答曰譬如散華以線貫穿風吹不散修多羅者亦復如是貫諸法相亦不散問曰何謂阿毗曇以偈答曰

有人意識法

讚歎斷截說

長法是故說

是爲阿毗曇

此是阿毗偈也意識讚歎斷截長此入阿毗義也問曰何謂爲意答曰修多羅句云有人言極劇意云何是阿毗意義也何謂爲識答曰修多羅句盡夜阿毗此是阿毗識義也何謂讚歎答曰王阿毗王此是阿毗讚歎義也

何謂斷截答曰足力阿毗此是阿毗斷截義也何謂爲長答曰阿毗于多漢言長也此是阿毗長義也又曰生色界慈心徧觀一方毗阿羅漢言識者色聲乃至觸是識義也讚歎者學法無學法世間無上法此是讚歎義也斷截者觸法成學是斷截義也長者大法不可度

量阿耨多羅法是長義也此義應當知之又曰曇者法也何謂爲藏以偈答曰知藏藏義味 從義學器者 我今合一說藏義汝自知 此是藏義也

問曰何謂爲藏答曰藏者學此是法藏也又修多羅句云如人執攬與銀鉄而來此是器

義也今已摠說三藏應當知是二義也已略說毗尼藏智藏亦言義器修多羅亦如是又曰阿毗曇者則是藏也如是已知復於三藏中種種因緣指示佛法語言分別隨所縛著學除甚深相學破合離者次第文句至義自出今次第現此三藏阿毗說曰阿毗者意義

識義讚歎義斷截義出過廣義大義無上義何謂爲意憶持也識者分別也讚歎者常爲聖人之所讚歎也斷截者分別偈也出過者過於餘法也廣者於諸法中最爲廣也大者諸法之最大也無上者諸法無能勝也曇者舉義承義護義何謂爲舉舉者舉置衆生於

善道也承者承受衆生不令入三惡道也護者擁護衆生令得種種快樂也藏者器也何謂為器器者能聚集衆義也問曰藏與阿毗曇為同為異答曰同又問曰若同者但云阿毗曇自足何須復言藏也答曰聖人說法欲使文句具足故更安藏字也如是三藏義亦

亦又為指示故為教授故為分別故為繫故為捨故為甚深相故為離合故若比丘隨所至處顯現如是一切諸義此是三藏如是次第威德顯現正義隨罪過隨比類隨教法隨覆見纏名色差別若人依毗尼為行則得入定得定便具三達智此是戒為行本因三昧

故便具六通若人修學阿毗曇能生實智慧實慧既生便具四辯若人隨順律語得世間樂何謂為世間樂淨戒之人人天讚善常受世間四事供養此世間樂除欲樂如修多羅說佛所說我已知之不宜在家出家學道而得道果得道果者戒定慧力也隨逐惡者皆

由無智無智故佛教妄解妄解故誹謗如來作諸惡業自破其身從此因緣廣生邪見於阿毗曇僻學者提心過急則心發逸所不應思如修多羅告諸比丘有四法不應思而思心則發狂法師曰如是次第破戒邪見亂心善不善說已而說偈言

具足不具足 隨行而得之 比丘樂學者 當愛重此法

如是藏義知一切佛語應當知何謂為阿含法師曰有五阿含何謂為五一者長阿含二者中阿含三者僧育多阿含四者鵝鴨多羅阿含五者屈陀伽阿含問曰何謂為長阿含

但一

十

三品中梵網經為初四十四修多羅悉入三品中是名長阿含法師問云何名之為長聚衆法最多故名為長又問曰云何謂為阿含答曰容受聚集義名阿含如修多羅說佛告諸比丘我於三界中不見一阿含如畜生阿含純是衆生聚集處也以是義故中阿含亦

應知不長不短故名爲中於十五品根學修多羅爲初一百五十二修多羅是名中阿含七月日出法竟大德迦葉修理成就十力法已於是大地如人歡喜歎言善哉善哉乃徹黃泉六種震動又種種奇異妙相出現此是五百大衆羅漢初集名也而說偈言

世間中五百 羅漢出是法 故名五百出

諸賢咸共知

是時大衆說大德迦葉問優波離波羅夷何處結耶亦問犯處亦問因緣亦問人身此問大德自知答曰時因人結戒是故結戒一切次第我今當說尔時佛在毗蘭若處問曰何

時說耶答集五百大衆說如是種種義出已問曰何以優波離說答曰爲大德迦葉問是戒本已現今誰持者持者何處住我當說根本今說章句義尔時佛住毗蘭若此根本律藏初如是說長老優波離佛前持佛未涅槃時六通羅漢無數千万從優波離受世尊涅

伯

十一

槃後大德迦葉爲初諸大悲衆集闍浮利地中誰能持優波離爲初諸律師次第持乃至第三大衆諸大德持今次第說師名字優波離大象拘蘇那拘悉伽符目捷連子帝須五人得勝煩惱次第闍浮利地中持律亦不斷乃至第三一切諸律師皆從優波離出此是連續優波離何以故優波離從金口所聞聚於心中開施與人人知已有學人須陀洹斯陀舍阿那含不可計數愛盡比丘一千大象拘是優波離弟子從優波離口悉聞自解至深極理學人初受不可計數愛盡比丘一千蘇那拘此是大象拘弟子蘇那拘從師口受取律已讚誦性自知律學人初受不可計數愛盡比丘一千悉伽符是蘇那拘弟子從師口受持已於一千阿羅漢中最勝性自知律學人初受學不可計數愛盡比丘非百千不可度量尔時闍浮利地無數比丘集目捷連子帝須神力第三大衆欲現如是毗尼藏闍

淨利地中諸法師次第乃至第三大衆持應
當知問曰何謂為第三大衆答曰此是次第
時已出竟光明妙法用智慧故而說是讚曰
壽命住世間 五百智慧明 五百中大德
迦葉最為初 譬如燈油盡 涅槃無著處
跋闍子品第二集法藏

於是衆聖日夜中次第而去世尊涅槃已一
百歲時毗舍離跋闍子比丘毗舍離中十非
法起何謂為十一者鹽淨二者二指淨三者
聚落間淨四者住處淨五者隨意淨六者又
住淨七者生和合淨八者水淨九者不益纒
尼師壇淨十者金銀淨此是十非法於毗舍
離現此十非法諸跋闍子修修那伽子名阿
須阿須尔時作王黨跋闍子等尔時長老耶
須拘迦是迦軋陀子於跋闍中彷彿而行毗
舍離跋闍子比丘毗舍離中現十非法聞已
我不應隱住壞十力法若為方便滅此惡法
即往至毗舍離到已尔時長老耶須拘迦軋

伯一

十二

陀子於毗舍離大林鳩陀伽羅沙羅中住
尔時跋闍子比丘說戒時取水滿盃置比丘
僧中尔時毗舍離諸優婆塞來詣跋闍子比
丘作如是言語諸優婆塞應與衆僧錢隨意
與半錢若一錢使衆僧得衣服一切應說此
是集毗尼義七百比丘不減不長是名七百

比丘集毗尼義於集衆中二万比丘集長老
耶斯那比丘發起此事於跋闍子比丘衆中
長老離波多問薩婆迦薩婆迦比丘答律藏
中斷十非法及消滅諍法大德我等輩今應
出法及毗尼擇取通三藏者至三達智比丘
擇取已於毗舍離婆利迦園中衆已聚集如
迦葉初集法藏無異一切佛法中垢洒除已
依藏更問依阿含問依枝葉問依諸法聚問
一切法及毗尼藏盡出此是大衆於八月日
得集竟說偈讚曰
世間中七百 是為七百名 依如前所說
汝等自當知

是時薩婆迦眉蘇寐離婆多屈闇須毗多耶須婆那參復多此是大德阿難弟子修摩菟婆娑婆伽眉此二人是阿菟留馱弟子已曾見佛而說偈言

第二好集眾 大法一切出 已至重法處 應作已作竟 愛盡比丘者 是名第二集

伯一 三

阿育王品第三集法藏

諸大德自作念言當來世我等師法如是濁垢起有無耶大德即見當來世非法垢起從此以後百歲又十八年中波咤利弗國阿育王已生世生已一切閻浮利地靡不降伏於佛法中甚篤信極大供養於是諸外道梵志見阿育王如此信佛法外道梵志貪供養故入佛法中而作沙門猶事外道如舊以外道法教化諸人如是佛法極大濁垢濁垢欲成於是諸大德作是念我等輩及當來世見垢不各自觀壽命不及復作是念誰為當來宣傳諸大德觀一切人民及欲界中都無一人

復觀諸梵天有一天人短壽曾觀法相諸大德作如是念我等當往請此梵天人下生世間於目捷連婆羅門家中受胎然後我等教化令具出家得出家已一切佛法通達無礙三達智已破壞外道判諸諍法整持佛法於是諸大德往至梵天梵天人名帝須諸大德至語帝須從此百年後十八年中如來法極大垢起我等觀一切世間及欲界不見一人能護佛法乃至梵天見汝一人善哉善人若汝生世間以十力法汝當整持諸大德作是言已大梵帝須聞諸大德佛法中垢起我當洒除聞已歡喜踊躍答曰善哉對已與諸大德立誓於梵天應作已罷從梵天下今時有大德和伽婆旃陀跋闍二人於眾少年通持三藏得三達智愛盡阿羅漢是二人不及滅諍諸大德語二長老汝二人不及滅諍眾僧今依事罰汝當來有梵天人名帝須當託生日捷連婆羅門家汝二人可一人往迎取度

出家一人教學佛法於是諸大德阿羅漢隨
壽長短各入涅槃而說偈言

第二七百眾 和合滅非法 當來法因緣

已作令久住 愛盡得自在 善通三達智

神通得自在 猶不免無常 我今記名字

傳流於將來

但一

十四

如是生無常 已知生難得 若欲得常住
當勤加精進

此第二僧說摩呵梵魔帝須從梵天下託生
目捷連婆羅門家於是和伽婆觀見帝須已
入婆羅門家受胎知受胎已和伽婆日日往
其家乞食乃至七年何以故為度因緣故於

是七年乞餅不得乞水亦不得過七年已復
往乞食其家人應曰食已竟大德更往餘家
和伽婆念言今得語已還於婆羅門從餘處
還於路見和伽婆出家人從我家來耶有
所得不答曰得婆羅門還至家中而問家人
比丘乞食有與不耶家人答曰都不與之婆

羅門言比丘妄語若明日來者我當詰問明
日門外坐大德和伽婆明日來婆羅門問曰
大德昨言乞有所得定無所得何以妄語比
丘法得妄語不大德和伽婆答曰我往汝家
七年都無所得昨始得家人語我更往餘家
是故言得婆羅門自思念言此比丘正得語

而言有所得善哉是知足人也若得飲食者
便應大歡喜婆羅門即迴已飲食分施與和
伽婆而作是言從今以去日日於此取食於
是和伽婆日日恒往取食婆羅門見和伽婆
威儀具足發大歡喜心歡喜心已復更請曰
大德自今以後莫餘乞長來此食和伽婆默
但一 十五

然受請日日食已漸示佛法示已而去介時
婆羅門子年始十六已學婆羅門法三園陀
書婆羅門子初從梵天下猶好淨潔牀席遷
提悉不與人雜若欲往師所以牀席遷提以
帛潔裏懸置屋間而去去後大德和伽婆至
而作是念時今至矣來往多年此婆羅門子

都不共語以何方便而化度之即以神力令家中牀坐隱蔽不見唯見婆羅門子所舉遷提介時婆羅門見和伽婆來徧求坐牀了不能得唯見其子所舉遷提即取與和伽婆坐婆羅門子還見和伽婆坐其遷提見已心生忿怒即問家人誰提我遷提與沙門坐大德和伽婆食竟婆羅門子瞋心已息大德和伽婆語婆羅門子汝何所知婆羅門子咄沙門我無所知誰應知也婆羅門子問和伽婆沙門知園陀法不問已此沙門必知大德和伽婆於三園陀中通達及軋書漢言一切物名楷書伊底呵寫文字一切分別婆羅門子於狐疑法不能通達所以余者由師不解婆羅門子問和伽婆於難解中問問盡答和伽婆語婆羅門子汝問已多我今次問汝一事汝應當答婆羅門子言善哉沙門我當分別答耶和伽婆於雙心中問婆羅門子若人心起而不滅若人心滅而不起若人心滅而滅若人心起

而起於是婆羅門子仰頭向虛空下頭視地不知所已反諮沙門咄沙門此是何義和伽婆答此是佛園陀婆羅門子問諸大德得與我不答曰得復問云何可得答曰汝若出家然後可得於是婆羅門子心大歡喜來到父母所而白言此沙門知佛園陀我欲就學用白衣服沙門不與令我出家然後當得父母作是念已善哉若汝出家學園陀竟當速還家婆羅門子心念言我就此沙門學佛園陀竟者當還臨欲去時父母教勅汝能勤學當得汝去答曰無暇教勅於是婆羅門子往詣和伽婆所到已和伽婆即取婆羅門子度為沙彌以三十二禪定法教其思惟婆羅門子須臾之頃得須陀洹道和伽婆思念此婆羅門子已得道迹不樂還家譬如焦穀不復更生此沙彌亦復如是和伽婆復言若我與禪定深法其得羅漢者恬靜而住於佛法中不復更學我今遣其往詣旃陀跋闍所教學佛

伯一

十六

法并宣我意和伽婆言善來沙彌汝可往彼大德旃陀跋闍所學佛法耶汝到彼已當作是言大德我師遣來此教學佛法旃陀跋闍答善哉沙彌明日當教帝須一切佛法及義唯除律藏教學已竟受具足戒未滿一歲即通律藏於三藏中悉具足知和上阿闍梨以

一切佛法付帝須已隨壽命長短入於涅槃爾時帝須深修禪定即得阿羅漢以佛法教導一切人民爾時賓頭沙羅王生兒一百賓頭沙羅王命終阿育王四年中殺諸兄弟唯置同母弟一人過四年已然後阿育王自拜為王從此佛涅槃已二百一十八年後阿育王即統領閻浮利地一切諸王無不降伏王之威神統領虛空及地下各一由旬阿耨達池諸鬼神恒日日獻水八檐合十六器以供王用爾時阿育王已信佛法以水八器施比丘僧二器施通三藏者二器供王夫人餘四器自供又雪山鬼神日日獻楊枝木名羅多

伯一

七

柔奕香美王及夫人宮中妓女合一萬六千人寺中比丘有六萬眾常以楊枝恒日日供比丘僧及王夫人宮中妓女悉令備足復有雪山鬼神獻藥菓名阿摩勒訶羅勒此菓色如黃金香味希有復有鬼神獻熟菴羅菓復有鬼神日日獻五種衣服悉黃金色及手巾

又日日獻賢聖蜜漿又獻塗香及闍提華海龍王又獻石眼藥阿耨達池邊有自然秬米香美擣剝去皮取完全者鸚鵡日日費九千檐獻王又巧作堂屋中蜜蜂結房作蜜以供王迦陵頻伽之鳥來至王所作種種妙音以娛樂王王有如是神力又於一日王作金鑠遣鑠鑠海龍王將來此海龍王壽命一劫曾見過去四佛龍王到已賜坐師子座以白傘覆上種種香華供養阿育王脫己所著瓔珞瓔珞海龍王身以一萬六千妓女圍遶供養阿育王語海龍王言我聞如來相好殊妙我欲見之汝可現之於是海龍王受教即現神

力自變己身為如來形像種種功德莊嚴微妙有三十二大人之相八十種好譬如蓮華鬘波羅華開敷莊嚴水上亦如星宿莊嚴虛空青黃赤白種種光色去身一尋以自莊嚴譬如青虹亦如電光圍遶而去譬如金山衆寶光明而圍遶之一切衆生視之無厭諸梵天龍夜叉捷捷婆等於七日之中瞻仰目不暫捨阿育王見之歡喜自從登位三年唯事外道至四年中信心佛法王所以事外道者時阿育王父賓頭沙羅王本事外道日日供施婆羅門六万人王與夫人宮內悉事外道是故相承事之有一日阿育王供設諸婆羅門王於殿上坐見諸婆羅門左右顧視都無法用王見如此而作是念我且更選試必有法則者我當供養作是念已向諸臣言卿等若有事沙門婆羅門者可請來我宮中我當供施諸臣答曰善哉答已各去於是諸臣依其所事事尼捷陀等諸外道各將至王宮到

卅一

十八

已而白王言此是我等羅漢是時阿育王即敷施牀座高下精麁各各不同王語諸外道隨力所堪各各當坐而坐諸外道聞王此言仍各自量而坐或坐遷提者或坐木段者王觀察如此自作念曰此諸外道等定無法用王即知已而作是言外道如此不足供施食訖即命出又復一日王於殿上在牕牖中見一沙弥名泥瞿陀從殿前過行步平正威儀具足王問此誰沙弥耶左右答曰泥瞿陀沙弥是先王長子修摩那之子也法師曰我今依次第說因緣尔時賓頭沙羅王病困阿育王從所封爵支國來還父王國即殺修摩那太子仍自把王國事阿育王殺太子修摩那已檢校宮內修摩那妃先已懷胎滿十月仍假服逃出去城不遠至旃陀羅村村邊有樹名泥瞿陀有一天人作此樹神樹神見修摩那妃語言善來妃聞樹神喚即往至樹所樹神神力化作一屋語妃曰汝可住此屋妃聞

語已即便入屋其夜而生一男兒母爲作字
名泥瞿陀於是旃陀羅主敬心供給如奴見
大家無異時王妃住樹神屋中七年泥瞿陀
年已七歲亦時有阿羅漢比丘名婆留那以
神通觀泥瞿陀因緣應度作是念今時至矣
欲度爲沙弥即往詣妃所求度爲沙弥妃即

但

十九

與令度婆留那即度爲沙弥髮未落地即得
羅漢又一日沙弥料理裝束已往詣師所供
養已取盃盂袈裟往至母所從城南入過殿
前行出城東門亦時阿育王在殿上向東逕
行王見泥瞿陀沙弥於殿前過威儀具足視
地七尺而行心中清淨此因緣已前說今當
廣說於是阿育王而作是念彼沙弥者屈伸
俯仰威儀庠序當有聖利法也王見沙弥已
信心歡喜即發慈哀心何以故過去世時此
沙弥是阿育王兄曾共修功德而作偈說
往昔因緣故 今生復歡喜 譬如鬱盃華
得水鮮開敷

於是阿育王生慈悲已不能自止即遣三臣
往喚沙弥諸臣極久未時得還復遣三臣三
臣到已語沙弥言沙弥速去於是沙弥執持
威儀安庠而來到已王語沙弥當自觀察隨
意坐也於是沙弥觀看衆中都無比丘沙弥
知已仍欲就白傘高座而作方便令王受盜

王見沙弥作方便已心自念言此沙弥者必
爲家主沙弥即以盃授王已即就王座王以
已所食施與沙弥沙弥自量取足而受沙弥
食竟於是王問沙弥沙弥師教沙弥悉知不
答曰我知少分王言善哉爲我說之善哉大
王我當爲說沙弥而作是念量王所堪即爲
說法呪願便說半偈

不懈怠者是涅槃 若懈怠者是生死
王聞已向沙弥言我知已但說令盡沙弥呪
願已竟王向沙弥言日供養八分沙弥答善
哉我當迴與師王問沙弥師是誰耶答曰無
罪見罪呵責是名我師王言更與八分沙弥

答善哉我當與阿闍梨王復問言闍梨是誰
答共於善法中教授合知是我闍梨王復答
言善哉我更與八分沙弥答此八分與比丘
僧王復問言比丘僧是誰答言我師我闍梨
我是依止故得具足戒王聞是已倍增歡喜
王語沙弥若尔我更與八分沙弥答言善哉

伯一

二十

受受已而去明日沙弥與比丘僧三十二人
來至王宮到已中食竟王問沙弥更有比丘
無沙弥答言有若有者更將三十二人來如
是漸增乃至六万是時外道六万徒衆失供
養分大德泥瞿陀即授王及宮內夫人諸臣
悉受三歸五戒是時王及諸人信心倍增無
有退轉王為諸衆僧起立大寺安處衆僧乃
至六万日日供養王所統領八万四千國王
勅諸國起八万四千大寺起塔八万四千王
勅諸國造立塔寺各受王命歡喜而造復有
一日於阿育僧伽藍作大布施布施已王於
六万比丘僧中坐而作是言我有四種供給

湯藥飲食衣服卧具自恣與僧語已而作是
問諸大德佛所統領有幾種法耶比丘答曰
於法有九法聚有八万四千主聞已至心於
法王作是念我當立八万四千寺以供養八
万四千法聚即日出銀錢九十六億而喚大
臣臣到已王語臣言我所領八万四千國遣

人宣令國起一寺阿育王自作阿育僧伽藍
衆僧見阿育王欲起大寺見已有一比丘名
因陀崛多有大神力漏盡羅漢衆僧即差因
陀崛多統知寺事是時因陀崛多見寺有所
闕短處自以神力修治令辦王出銀錢羅漢
神力三年乃成諸國起寺來啓答王一日俱

伯一

九

到白統臣言造塔寺已成統臣入白王言八
万四千國起八万四千寺塔皆悉已成王答
言善哉王語一大臣可打鼓宣令寺塔已成
七日之後當大供養布施國中一切内外人
民悉受八戒身心清淨過七日已莊嚴擬赴
王命如天帝釋諸天圍遶阿育王國土亦復

如是莊嚴竟人民遊觀無有厭足人民悉入寺舍尔時集衆有八億比丘僧九十六方比丘尼於集衆中羅漢一万諸比丘僧心作是念我當以神通力令王得見已所造功德見此已然後佛法大盛諸比丘以神通力王所統領閻浮利地縱廣四万乃至海際其中所起塔寺一切供養布施種種功德使王一時覩見王得見已心中歡喜而白衆僧言如我今者供養如來作大布施心中歡喜有如我不於是衆僧推目捷連子帝須令答王帝須答王言佛在卅時諸人供養不及於王唯王一人無能過者王聞帝須此語心中歡喜不

入佛法譬如有人從地積七寶上至梵天以用布施於佛法中亦未得入况王布施而望得入王復問言云何得入法分帝須答言若貧若富身自生子令子出家得入佛法作是言已王自念我如此布施猶未入佛法我今當求得入因緣王觀看左右見摩哞陀而作是念我弟帝須已自出家即立摩哞陀爲太子王復籌量立爲太子好令出家好即語摩哞陀汝樂出家不摩哞陀見叔帝須出家後心願出家聞王此言心大歡喜即答實樂出家若我出家王於佛法得入法分尔時王女名僧伽蜜多立近兄邊其誓先已與帝須俱出家王問僧伽蜜多汝樂出家不答言實樂王答若汝出家大善王知其心中歡喜向比丘言大德我此二子衆僧爲度令我得入佛法

世末

伯一

鹿野苑下紆葉波上音婉轉上紆擗地上益此
 鎧反苦亥窶反馱上唐奴類反毀上衣反栴
 正下胡浪反撩理上正音索反切利上音刻鏤下音
 珍下玩反豔反能上朱音下音茵薄二字音羅羅羅
 知下反丑盃反錘反鴛反岫反下音羅羅
 堯反迦反上音坊反那反分上音坻迦反上音經反緯反下音未

稻下音劇反奇逆執攬下音取反郎反銀反戶反花反鉢反夫音壘音
 僻反亦反衍反上音傍音鳩反咤反下音末反不反長反音下
 杖反靡反苗反彼反咄反下音滑反遷反提反上音非反繫反裏反結反果反音下
 呪上反丘暇反音焦穀反上音非反恬反徒反添反柔反奕反下音乳反杭反
 米上與反音同度反擣反上音角反島反下音完反兒反上音同反惠反虹反音下
 臆下音酉逕反行反上音徑反縱反足反容反晒反武反忍反紅反

善見毗婆沙律卷第二

伯二

蕭齊外國沙門僧伽跋陁羅譯

眾僧已受即推目捷連子帝須為和上摩訶
 提婆為阿闍梨授十戒大德未闡提為阿闍
 梨與具足戒是時摩晒陀年滿二十即受具
 足戒於戒壇中得三達智具六神通漏盡羅

漢僧伽蜜多阿闍梨名阿由波羅和上名曇
 摩波羅是時僧伽蜜多年十八歲度令出家
 於戒壇中即與六法王登位以來已經六年
 二子出家於是摩晒陀於師受經及毗尼藏
 摩晒陀於三藏中一切佛法皆悉摠持同學
 一千摩晒陀最大亦時阿育王登位九年有
 比丘拘多子名帝須病困劇持盃乞藥得蘇
 一撮其病增長命將欲斷向諸比丘言三界
 中慎勿懈怠語已飛騰虛空於虛空中而坐
 即化作火自焚燒身入於涅槃是時阿育王
 聞人宣傳為作供養王念言我國中比丘求
 藥而不能得王於四城門邊起作藥藏付藥
 滿藏中時波吃利弗國四方城門邊有四千
 客堂堂日得錢五千以供王用亦時王以錢
 一千供大德泥瞿陀一千供養塔像華香直
 取一千供給法堂一千供諸律師一千供眾
 僧四城門邊藥藏日一萬以用買藥直亦時
 佛法興隆諸外道等衰殄失供養利周遍乞